

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1549/24
Sarajevo, 18.7.2024. godine

Z A P I S N I K
10. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 18.7.2024. godine

Sjednica je počela sa radom u 12 sati i 56 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je obavijestio delegate da je na sjednici Kolegija zajedno sa predlagačem odlučeno da se o Nacrtu Zakona o djelatnosti psihologa u Federaciji Bosne i Hercegovine neizjašnjava, tako da nastavka 8. sjednice Doma naroda Parlamenta Federacije Bosne i Hercegovine nije bilo.

Prema evidenciji Stručne službe, sjednici prisustvuju 62 delegata, što čini većinu, pa Dom naroda može raditi i punopravno odlučivati.

Predsjedavajući je pozdravio Lidiju Bradaru, predsjednicu Federacije Bosne i Hercegovine, Refika Lendu, potpredsjednika Federacije BiH, ministre u Vladi Federacije Bosne i Hercegovine i delegate.

Izostanak sa sjednice najavili su: Belma Kapo, Mladen Lonić, Ivan Odak, Tanja Šantić, Ilija Nakić i Damir Marjanović.

Predsjedavajući je predložio da se prije prelaska na rad glasa o usvajanju zapisnika 9. sjednice i 5. vanredne sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 55 glasova za, uz dva uzdržana glasa i uz jedan glas protiv, usvojio Zapisnik 9. sjednice Doma naroda Parlamenta Federacije Bosne i Hercegovine.

Predsjedavajući je potom dao na glasanje Zapisnik 5. vanredne sjednice Doma naroda i konstatovao da je Dom naroda, bez primjedbi, usvojio Zapisnik 5. vanredne sjednice, održane 10.7.2024. godine.

Predsjedavajući je prije utvrđivanja dnevnog reda konstatovao da je Dom naroda usvojio Zaključak Kolegija kojim predlaže delegatima da svoja delegatska pitanja i inicijative šalju pisanim putem.

Predsjedavajući je potom obavijestio delegate da je prihvaćen Zaključak Kolegija.

Predsjedavajući je prije utvrđivanja dnevnog reda upitao delegate da li imaju prijedloga za izmjenu i dopunu dnevnog reda.

Delegatkinja Sanela Klarić je istakla da povlači sa dnevnog reda Nacrt Zakona o građanskoj inicijativi i zaštiti građana i aktivista Federacije BiH (predlagači: Sanela Klarić, delegatkinja u Domu naroda, i Damir Nikšić, zastupnik u Predstavničkom domu).

Vlada Federacije Bosne i Hercegovine dostavila je sljedeće prijedloge zakona sa prijedlogom da se razmatraju po skraćenom postupku:

- Prijedlog Zakona o gradu Novi Travnik - skraćeni postupak,
- Prijedlog Zakona o izmjenama i dopunama Zakona o upravljanju otpadom - skraćeni postupak,
- Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine - skraćeni postupak.

Haris Zahiragić je, u ime Zakonodavno-pravne komisije, iznio njen stav da se Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine (skraćeni postupak), razmatra u formi nacrtu tj. da se vrati u redovnu proceduru.

U raspravi je učestvovao Eldin Delić.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz šest uzdržanih glasova i uz 13 glasova protiv, prihvatio da se Prijedlog Zakona o gradu Novi Travnik razmatra po skraćenom postupku.

Muamer Zukić, predsjednik Kluba delegata bošnjačkog naroda, zatražio je pojedinačno izjašnjanje.

Na osnovu člana 113. Poslovnika o radu, pojedinačno izjašnjanje je obavio sekretar Doma naroda Izmir Hadžiavdić.

Nakon pojedinačnog izjašnjanja delegata, predsjedavajući je konstatovao da je Dom naroda, sa 43 glasa za, uz 10 glasova protiv i uz 10 uzdržanih glasova, prihvatio prijedlog da se Prijedlog Zakona o gradu Novi Travnik, razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda sa 46 glasova za, uz 13 uzdržanih glasova i uz dva glasa protiv, prihvatio da se Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine razmatra po skraćenom postupku.

Na osnovu rezultata glasanja, predsjedavajući je konstatovao da je, sa 46 glasova za, uz 11 uzdržanih glasova i uz jedan glas protiv, prihvatio da se Prijedlog Zakona o izmjenama i dopunama Zakona o upravljanju otpadom razmatra po skraćenom postupku.

Nakon toga, prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz 12 uzdržanih glasova i uz tri glasa protiv, usvojio sljedeći:

DNEVNI RED

- 1) Prijedlog Zakona o gradu Novi Travnik - skraćeni postupak,
- 2) Prijedlog Zakona o izmjenama i dopunama Zakona o upravljanju otpadom – skraćeni postupak,
- 3) Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine – skraćeni postupak,
- 4) Nacrt Zakona o izmjenama i dopunama Zakona o vraćanju, dodjeli i prodaji stanova,
- 5) Nacrt Zakona o zaštiti prava na pravično suđenje u razumnom roku,
- 6) Nacrt Zakona o socijalnim uslugama u Federaciji Bosne i Hercegovine,
- 7) Nacrt Zakona o posredovanju u zapošljavanju i socijalnoj sigurnosti nezaposlenih lica,
- 8) Prijedlog Odluke o usvajanju Strategije poljoprivrede i ruralnog razvoja Federacije Bosne i Hercegovine na period 2021. – 2027. godina,
- 9) Prijedlog Odluke o izmjeni Odluke o donošenju prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ na period 20 godina,
- 10) Prijedlog Odluke o pristupanju izradi Zoning plana urbanog područja Kulen-Vakuf - Klisa na period 10 godina,
- 11) Prijedlog Odluke o pristupanju izradi Zoning plana urbanog područja Martinbroda na period 10 godina,
- 12) Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu,
- 13) Izbor i imenovanja:
- Prijedlog Odluke o imenovanju Odbora za žalbe građana.

1. Prijedlog Zakona o gradu Novi Travnik - skraćeni postupak

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 12. sjednici, održanoj 26.6.2024. godine, usvojio Prijedlog Zakona o gradu Novi Travnik sa jednim amandmanom Vlade Federacije Bosne i Hercegovine koji je postao sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložila je Anja Kolovrat-Rotim, savjetnica federalnog ministra pravde.

U raspravi su učestvovali: Eldin Delić, Damir Džeba, Haris Zahiragić, Emir Dautović, Boris Mrnjavac, Muamer Zukić, Ljubinka Atanasijević, Ivo Šimunović, Amir Orlović, Aida Obuća, Nezim Alagić i Miomirka Melank.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz devet uzdržanih glasova i uz devet glasova protiv, usvojio Prijedlog Zakona o Gradu Novi Travnik.

Muamer Zukić, predsjednik Kluba delegata bošnjačkog naroda zatražio je pojedinačno izjašnjanje.

Sekretar Doma naroda Izmir Hadžić obavio je pojedinačno izjašnjanje delegata.

Nakon pojedinačnog izjašnjanja, predsjedavajući je konstatovao da je Dom naroda, sa 43 glasova za, uz pet uzdržanih glasova i uz 13 glasova protiv, usvojio Prijedlog Zakona o Gradu Novi Travnik.

2. Prijedlog Zakona o izmjenama i dopunama Zakona o upravljanju otpadom – skraćeni postupak

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 12. sjednici, održanoj 26.6.2024. godine, usvojio Prijedlog Zakona o izmjenama i dopunama Zakona o upravljanju otpadom u tekstu kako ga je predložila Vlada Federacije Bosne i Hercegovine.

Vlada Federacije Bosne i Hercegovine je 18.7.2024. godine dostavila amandman na Prijedlog Zakona o izmjenama i dopunama Zakona o upravljanju otpadom koji je postao sastavni dio ovog Prijedloga Zakona.

Prijedlog Zakona obrazložila je Nasiha Pozder, ministrica Federalnog ministarstva okoliša i turizma.

U raspravi su učestvovali Aida Obuća i Nasiha Pozder.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz sedam uzdržanih glasova i bez glasova protiv, usvojio Prijedlog Zakona o izmjenama i dopunama Zakona o upravljanju otpadom.

3. Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine – skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 12. sjednici, održanoj 26.6.2024. godine, usvojio Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine sa

jednim amandmanom koji je Vlada Federacije Bosne i Hercegovine prihvatila i koji je postao sastavni dio teksta Prijedloga Zakona.

Prijedlog Zakona obrazložio je Adnan Delić, ministar Federalnog ministarstva rada i socijalne politike.

Prijedlog Zakona razmatrala su nadležna radna tijela.

Haris Zahiragić je, u ime Zakonodavno-pravne komisije, iznio stav Komisije da se 3. tačka dnevnog reda razmatra u formi nacrta.

U raspravi su učestvovali: Damir Džeba, Fatima Gavrankapetanović-Smailbegović, Almir Babajić, Aida Obuća, Haris Zahiragić, Emir Dautović i Adnan Delić.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz 10 uzdržanih glasova i uz jedan glas protiv, usvojio Prijedlog Zakona o izmjenama i dopunama Zakona o materijalnoj podršci porodicama sa djecom u Federaciji Bosne i Hercegovine.

4. Nacrt Zakona o izmjenama i dopunama Zakona o vraćanju, dodjeli i prodaji stanova

Tekst Nacrta Zakona utvrdila je Vlada Federacije Bosne i Hercegovine.

Tekst Nacrta Zakona razmatrala su i nadležna radna tijela.

Prijedlog Zakona obrazložio je Željko Nedić, ministar Federalnog ministarstva prostornog uređenja.

U raspravi su učestvovali: Haris Zahiragić, Tomislav Martinović, Izmir Hadžavić, Muamer Zukić, Žarko Vujović, Aljoša Čampara, Emir Dautović i Aida Obuća.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 11 uzdržanih glasova i uz sedam glasova protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o vraćanju, dodjeli i prodaji stanova i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu u trajanju 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, kao i one koje su dostavljene ili će biti dostavljene u pisanoj formi.

5. Nacrt Zakona o zaštiti prava na pravično suđenje u razumnom roku

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 12. sjednici, održanoj 26.6.2024. godine, razmatrao Nacrt Zakona o zaštiti prava na pravično suđenje u razumnom roku i Zaključkom ga prihvatio.

Nacrt Zakona o zaštiti prava na pravično suđenje u razumnom roku obrazložio je Semir Huremović, u ime Federalnog ministarstva pravde.

U raspravi nije niko učestovao.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz pet uzdržanih glasova i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o zaštiti prava na pravično suđenje u razumnom roku i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu u trajanju 90 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene na javnoj raspravi i u raspravi na sjednici Doma naroda, kao i one koje su dostavljene ili će biti dostavljene u pisanoj formi.

6. Nacrt Zakona o socijalnim uslugama u Federaciji Bosne i Hercegovine

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 12. sjednici, održanoj 26.6.2024. godine, razmatrao Nacrt Zakona o socijalnim uslugama u Federaciji Bosne i Hercegovine i Zaključkom ga prihvatio.

Nacrt Zakona obrazložio je Adnan Delić, ministar Federalnog ministarstva rada i socijalne politike.

U raspravi su učestvovali Damir Džeba i Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz pet uzdržanih glasova i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o socijalnim uslugama u Federaciji Bosne i Hercegovine i smatra da može poslužiti kao osnov za izradu prijedloga Zakona.

2. Zadužuje se predlagač da organizira i provede javnu raspravu u trajanju 120 dana u skladu sa procedurama predviđenim Ustavom Federacije za donošenje zakona i zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o socijalnim uslugama u Federaciji Bosne i Hercegovine dostavi kantonalnim skupštinama radi davanja mišljenja u roku 90 dana.
4. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

7. Nacrt Zakona o posredovanju u zapošljavanju i socijalnoj sigurnosti nezaposlenih lica

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 12. sjednici, održanoj 26.6.2024. godine, razmatrao Nacrt Zakona o posredovanju u zapošljavanju i socijalnoj sigurnosti nezaposlenih lica i Zaključkom ga prihvatio.

Nacrt Zakona obrazložio je Adnan Delić, ministar Federalnog ministarstva rada i socijalne politike.

U raspravi su učestvovali: Jelena Pekić, Emir Dautović, Nezim Alagić i Fatima Gavrankapetanović-Smailbegović.

Na osnovu rezultata glasanja, predsjedavajući je konstatovao da Dom naroda, sa 33 glasa za, uz 11 uzdržanih glasova i uz jedan glas protiv, nije prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o posredovanju u zapošljavanju i socijalnoj sigurnosti nezaposlenih lica i smatra da može poslužiti kao osnov za izradu prijedloga Zakona.
2. Zadužuje se Vlada da organizira i provede javnu raspravu u trajanju 120 dana u skladu sa procedurama predviđenim Ustavom Federacije za donošenje zakona i zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o posredovanju i socijalnoj sigurnosti nezaposlenih lica dostavi kantonalnim skupštinama radi davanja mišljenja u roku 90 dana.
4. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

Vesna Saradžić, predsjednica Kluba delegata srpskog naroda, zatražila je pojedinačno izjašnjanje.

Sekretar Doma naroda Izmir Hadžić obavio je pojedinačno izjašnjenje.

Na osnovu rezultata pojedinačnog izjašnjenja, predsjedavajući je konstatovao da Dom naroda, sa 36 glasova za, uz 16 uzdržanih glasova i bez glasova protiv, nije prihvatio spomenuti zaključak.

Damir Džeba, predsjednik Kluba delegata hrvatskog naroda, zatražio je pauzu 15 minuta.

Nakon pauze, prešlo se na rad po 8. tački dnevnog reda.

8. Prijedlog Odluke o usvajanju Strategije poljoprivrede i ruralnog razvoja Federacije Bosne i Hercegovine na period 2021. – 2027. godina

Tekst Prijedloga Odluke utvrdila je Vlada Federacije BiH.

Tekst Prijedloga Odluke razmatrala su nadležna radna tijela.

Prijedlog Odluke obrazložio je Kemal Hrnjić, ministar Federalnog ministarstva poljoprivrede, vodoprivrede i šumarstva.

U raspravi su učestvovali: Emir Dautović, Haris Zahiragić, Sanela Klarić, Dževad Hadžić, Aida Obuća, Silva Banović, Muamer Zukić, Ilija Ilić, Tomislav Martinović i Kemal Hrnjić.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz osam uzdržanih glasova i bez glasova protiv, prihvatio Prijedlog Odluke o usvajanju Strategije poljoprivrede i ruralnog razvoja Federacije Bosne i Hercegovine na period 2021. – 2027. godina.

9. Prijedlog Odluke o izmjeni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ na period 20 godina

Tekst Prijedloga Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 11. sjednici, održanoj 28. i 29.5.2024. godine, donio odluku o izmjeni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ na period 20 godina u tekstu kako ga je predložila Vlada.

Predsjedavajući je konstatovao da su se delegati složili da nema potrebe da predstavnik Vlade Federacije BiH obrazlaže Prijedlog Odluke.

U raspravi je učestvovao Almir Babajić.

Na osnovu rezultata glasanja, predsjedavajući je konstatovao da je Dom naroda, sa 50 glasova za, bez uzdržanih glasova i bez glasova protiv, usvojio Prijedlog Odluke o izmjeni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ na period 20 godina.

10. Prijedlog Odluke o pristupanju izradi Zoning plana urbanog područja Kulen-Vakuf - Klisa na period 10 godina

Tekst Prijedloga Odluke utvrdila je Vlada Federacije BiH.

Predstavnički dom obavijestio je Dom naroda da je na 12. sjednici, održanoj 26.6.2024. godine, usvojio Prijedlog Odluke o pristupanju izradi Zoning plana urbanog područja Kulen-Vakuf - Klisa na period 10 godina.

Prijedlog Odluke obrazložio je Željko Nedić, federalni ministar prostornog uređenja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 45 glasova za, bez uzdržanih glasova i bez glasova protiv, prihvatio Prijedlog Odluke o pristupanju izradi Zoning plana urbanog područja Kulen-Vakuf - Klisa na period 10 godina.

11. Prijedlog Odluke o pristupanju izradi Zoning plana urbanog područja Martinbroda na period 10 godina

Tekst Prijedloga Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 12. sjednici, održanoj 26.6.2024. godine, prihvatio Prijedlog Odluke o pristupanju izradi Zoning plana urbanog područja Martinbroda na period 10 godina.

Prijedlog Odluke obrazložio je Željko Nedić, federalni ministar prostornog uređenja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz jedan uzdržani glas i bez glasova protiv, usvojio Prijedlog Odluke o pristupanju izradi Zoning plana urbanog područja Martinbroda na period 10 godina.

12. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu

Institucija Ombudsmena za ljudska prava dostavila je Godišnji izvještaj Parlamentu Federacije BiH.

Predstavnički dom obavijestio je Dom naroda da je na 12. sjednici, održanoj 26.6.2024. godine, primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu.

Izvještaj je obrazložila Jasminka Džumhur, ombudsmen za ljudska prava Bosne i Hercegovine.

U raspravi su učestvovali: Miomirka Melank, Haris Zahiragić, Iva Raguž, Jasminka Džumhur i Nives Jukić.

Predsjedavajući je konstatovao da je Dom naroda primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu.

13. Izbor i imenovanja:

- Prijedlog Odluke o imenovanju Odbora za žalbe građana

Prijedlog Odluke o imenovanju Odbora za žalbe građana obrazložio je predsjedavajući.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa devet glasova za, uz 15 uzdržanih glasova i uz 21 glas protiv, nije prihvatio Prijedlog Odluke o imenovanju Odbora za žalbe građana.

Sjednica završila rad u 19 sati i 44 minute.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović